

**ZITTESJ  
VASTELAOVESLEIDJESKONKOERS**



**LEIDJESAOVEND  
28 SEPTEMBER 2024**

**VERKEIZING  
MAROTTESJLAGER 2025**

## SJTARTVOLGORDE CATEGORIE ORIGINEEL



NR	TITEL	ZANGK	TEKS	MEZIEK	ARRANGEMÈNT
1	VASTELAOVESVIERDESKRIEBELS	Twenty-Two	Mariloe van den Dungen Steve van den Dungen	Mariloe van den Dungen Steve van den Dungen Mark Courage	Mark Courage Marc Verblakt
2	EINE DAAG NEIT GELACHE!	Jan Janssen	Theo Wezenberg	Theo Wezenberg	Marc Verblakt
3	PLÖK D'N DAAG [1]	Cyrille Niël Nigel Tummers Luc Eijkenboom	Sjohn Smeets	Gian Prince	Gian Prince Marc Verblakt
4	KÖPKE WIE EIN TÖPKE	De Dörpelmaeg	Peter Schaeks	Guus Kitzen	Guus Kitzen Jerome Lenders
5	PLÖK D'N DAAG [2]	Joyce Frusch-Schaekens	Reinhard Wind	Reinhard Wind	Reinhard Wind
6	SJTAD VAN GEKKE SJLAEG	Fieny Cals	Thei Wessels	Thei Wessels	Marc Verblakt
7	DE SJÄÖRE EN KNÄÖRE WALS	Koeraasj	Guus Steinen	Guus Steinen	Jan van Daal Marc Verblakt
8	PLÖK DE DAAG [3]	Dette & Maurice	Patrick Werdens	Maurice Indemans	Marc Verblakt
9	DAT IS NOE EINMAOL ZO	Bryan Cloots	Bryan Cloots	Mark Courage	Marc Verblakt
10	PLÖK D'N DAAG [4] (DE ZÓN SJIENT VEUR JEDEREIN)	Les de Groot Rob Hodzelmans	Rob Hodzelmans	Rob Hodzelmans	Marc Verblakt
11	PLÖK D'N DAAG [5]	Thierry Dirkx	Theo Weijman	Mark Willems	Marc Verblakt

## SJTARTVOLGORDE CATEGORIE COVERS



NR.	TITEL	ZANGK	ORIGINEEL
1	VASTELAOVES VERSJLAAF	Twenty-Two	JÄGERBOMB - Russo & René Karst
2	DE KRAOM GEIT TOE!	De Marmottinekes	WATERLOO - ABBA
3	'T ZITTESJ LANDJ	Joyce Frusch- Schaeakens Bryan Cloots	DE OVERKANT - Suzan & Freek ft. Snelle
4	NÓNNEVOTTE	De Marmotte	MAMMA MIA - ABBA

# JURYLEDEN

## VAKJURY

### **Martijn de Jong**

Martijn de Jong is een muzikale schrijver uit Montfort die in zijn studententijd als DJ van College Radio in de audiotechniek rolde.

Met de accordeon om de schouders speelt Martijn al een aantal jaar door heel Nederland met de Otoberfeestband Zugabe en sinds een enkele jaren ook door het Limburgse met de band Stout.

Als tekstschrijvers wist Martijn al een aantal keren bij de laatste 60 van het LVK te komen en als vaste schrijver van Bjorn van Berkel mag Martijn ook al 6 LVK finale plekken op zijn CV noteren.

### **Henk Hover**

Deze veelzijdige duizendpoot, uit het smalste stukje Nederland werkt als (muziek-)programmamaker bij L1 en presenteert het dagelijkse muziekprogramma Plat-eweg op L1 radio.

Buiten programmamaker en presentator bij L1 is deze dialect liefhebber ook lid van de zanggroep Averege en componist en tekstschrijver van de Echter Revue. Bij het grote publiek is Henk vooral bekend als presentator van het LVK, waar hij de finale 14 keer heeft mogen presenteren.

### **Chantal van Zundert**

Deze vrolijk schooljuf uit Roggel, speelde meer dan 11 jaar bij de Limburgse Feestband: Sjeng & the Gang en trok later door heel Nederland met de Oktoberfeestband Wunderbar.

Chantal heeft meerdere keren in de LVK jury gezeten en is al een aantal jaar Juryvoorzitster van CMC Alaif. Het grote publiek kent haar van de "11de van de 11de" in Maastricht waar ze o.a. met Henk en als lid van de Sjeng Kraft Kompenei 13 keer de opening van de vastelaovend mocht presenteren.

## **Roger Pisters**

Roger is schrijver en uitvoerende van het succesvolle trio: Rempetemp uit Oirsbeek. Rempetemp, ontstaan uit pure liefhebberij en flauwekul bij de voetbalclub, groeide langzaam en gestaag naar de "Limburgse Top".

In 2008 won Rempetemp in Oirsbeek met 'Ich wil un Nonnevot', en via o.a. een LVK finale plek in 2014, een CMC Alaif finale plek in 2016, kwam Roger meermaals in de finale van het LVK met Rempetemp met als hoogtepunt 2020 waar Rempetemp Limburg omver blies met hun evergreen: 'Vergaet neet te laeve'.

Mede dankzij de 6 LVK-finales en hun nummer 1 positionering in de Top 1111 (2021) met de hit 'Vergaet neet te laeve', is hun naam inmiddels gevestigd van Noord tot Zuid.

## **George Bakx**

George Bakx is een muzikale duizendpoot oet "De Waereldsjtadt" Gelaen.

Hij was betrokken als muziekdocent op het Graaf Huyn College en is actief als dirigent van diverse zangkoren. Ook heeft hij diverse vastelaovessjagers geschreven en daarbij veel samengewerkt met Studio Jan Theelen. Daarnaast was hij dirigent van het koor Sound-70 dat in de jaren '70 en '80 op diverse Marotte LP's was te horen.

## **VASTELAOVESJURY**

De vastelaovesjury bestaat uit een afvaardiging van diverse Sittardse vastelaovesverenigingen en -vierders.

Deze editie zijn dit:

Sander Nijhof	CV De Kempernaaze
Ron Nieuwerth	CV De Klumpkes
Fred den Rooijen	CV De Narre
Jolanda Dirkx	Vastelaovesvierder
Geert Vandooren	Vastelaovesvierder

# 1. VASTELAOVESVIERDESKRIEBELS

Teks: Mariloe van den Dungen  
Steve van den Dungen  
Meziek: Mariloe van den Dungen  
Steve van den Dungen  
Mark Courage  
Arrangemènt: Mark Courage  
Marc Verblakt  
Zangk: Twenty-Two

## Refrein

**Van de sjoon tot in de houd, van de kop tot in de vout  
Vastelaovesvierderskriebels gaeve ós 'n gouwe gloud  
Veer zeen dan neit te sjtoppe, klop ós hart mit Zittesj bloud  
Vastelaovesvierderskriebels, die vuile vööl te goud  
Oh oh oh, Vastelaovesvierderskriebels! Oh oh oh**

## Koeplèt 1

Maonje langk zit 't van bènne in, gruijt bie ós de Vastelaoves zin  
11 november is 't ech zo wied, begint eindelijk de tied  
Dich maaks dich klaor veur gekkigheid, jao dat is wo 't noe ech óm dreet  
Jederein is weier paraat, 't rood gael gruun geit op 't vaat  
Wages boewe, pekskes neje, leidjes sjrievè, plaetjes dreje  
Zo bereije veer ós veur  
Danse, sjprènge, valsj mitzènge, sjmink op ós gezich aanbrènge  
Geef 't laeve get meer kleur

## Koeplèt 2

6 daag langk gaeve veer volle gaas, kieke sóms get te deip in 't glaas  
Sjtaon everal lang in de rie, mer dat heurt d'r geweun bie  
Al 3 daag feeste veer non-sjtop, laje nog mer èns de sjpaspas op  
Wille zeker nog neit heivesj gaon, zeen ech neit meer weg te sjlaon  
Awwè wiever, jónk sjoliere, kanón sjeite, fruit rón dj zwiere  
Jao wat höbbe veer dat gemis  
Träöte blaoze, optoch loupe en ouch nónnevotte koupe  
Mits d'r nog get is

## Koeplèt 3

Op daensdigaovend sjoete veer 'm aaf, geit 't maske weier trök in zien graaf  
Kiek ós hie noe èns sjtaon, de Vastelaovend is gedaon.  
Mer die kriebels blieve toch in ós en de èlfde van de èlfde laote veer ze weier  
Los,

## 2. EINE DAAG NEIT GELACHE

Teks: Theo Wezenberg  
Meziek: Theo Wezenberg  
Arrangemènt: Marc Verblakt  
Zangk: Jan Janssen

### Refrein

**Eine daag neit gelache (hei hei hei)  
Is eine daag neit gelaef  
Went waat is sjoonder es lache, mit dich,  
wo ich zo vööl om gaef  
Plök d'n daag en vier 't laeve  
Doog geneite, en bès blie,  
Went veer zeen hie toch mer aeve  
Mörge is 't mesjiens veurbie  
In Zitterd dao jeuk mich de prie,  
13 maol 11 jaor op rie  
't sjtedje wo ich zo van hawt,  
In Zitterd waer ich gaere awt.**

### Koeplèt 1

Veer höbbe hie vandaag toch get te viere  
En zènge, sjprènge, drènke, lache, zjwiere  
D'r is hie nemes dae zich noe beklaag  
Veer gaon hie same drie daag aan de sjlaag  
Jao dus plök noe d'n daag

### Koeplèt 2

Mer höbs se soms toch ouch waal èns dien zörge  
Versjuuf die dan mer lekker door nao mörge  
Doe laefs mer eine keer en dus geneit  
Van jeder daag opnuuj, zo lang es 't nog geit  
En vergaet dat noe neit



### 3. PLÖK D'N DAAG [1]

Teks: Sjohn Smeets  
Meziek: Gian Prince  
Arrangemènt: Gian Prince  
Marc Verblakt  
Zangk: Cyrille Niël  
Nigel Tummers  
Luc Eijkenboom

#### Refrein

**'t Kènt niks verrèkke, veer blieve trèkke,  
op d'n optoch zeen veer greutsj wie eine pin!  
't Kènt niks verrèkke, veer blieve trèkke,  
ouch al zitte hie en dao get läöker in.  
Veer trèkke van de Sjtase pès aan Laor,  
al hónderd drie en veertig jaor....**

#### Koeplèt 1

Bès te in de hal aan't plekke, mer de kachel deit 't neit... Oh nae, oh nae.  
't Liek waal of dae sjone wage in 'ne grote ieskas sjteit... Oh nae, oh nae.  
Wils te sjildere aan eine grote kop, mer de kwas dae vilt dich in de prinsesop!  
Höbs te waeke langk geboewd, mer doe kumps de hal neit oet... Oh nae, oh nae.  
Al bès te ram van sjaag,... plök d'n daag, plök d'n daag, plök d'n daag!

#### Koeplèt 2

Geis te dich ein pekske make, mer doe höbs dich ram verknip... Oh nae, oh nae  
Jao dan sjteis se sjtóm te kieke, es de rötsj van achter zit.... Oh nae, oh nae.  
Mós te aaf en toe èns kieke of 't pas, mer waat bliek: doe höbs drie moewe  
aan de jas.  
Nog ein dröpke óngerwaeg, mer de flesj is al lang laeg... Oh nae, oh nae  
Al bès te ram van sjaag,... plök d'n daag, plök d'n daag, plök d'n daag!

#### Koeplèt 3

Nao get maonje rippeteiere trèk' veer mit d'n optoch mit... Oh nae, oh nae.  
't Klink zo vals es wie de nete, geine minsj dae dao mit zit... Oh nae, oh nae.  
Ózze tambourmaeter haet 't nao de zin, sjmit de sjtek mit eine zjwoeng de  
kaanjel in.  
Veer marsjeiere door de sjtraote, geine hóndj löp in de maot... Oh nae, oh nae.  
Al bès te ram van sjaag,... plök d'n daag, plök d'n daag, plök d'n daag!

## 4. KÖPKE WIE EIN TÖPKE

Teks: Peter Schaeks  
Meziek: Guus Kitzen  
Arrangemènt: Guus Kitzen  
Jerome Lenders  
Zangk: De Dörpelmaeg

### Refrein

**Al sjteit de tap nog in ein söpke, tap ich nog mien lètste möpke  
Ouch al höb ich 't dan toch weier, ein köpke wie ein töpke  
Al sjteit de tap nog in ein söpke, tap ich nog mien lètste möpke  
Ouch al höb ich 't dan toch weier, ein köpke wie ein töpke**

### Koeplèt 1

Zös daag lol en verteier, mit de glaze euvervol  
De tapkraan dae löp, dolle teun in dae bol  
Miene kop dae rammelt, van bènne eine gein,  
Vastelaovend ein festijn  
Alles höb ich dees daag, gepruif en beleaf  
Mit ein werm gevuil, dae neit verdwaalt en neet vergaef  
De lètste is de bèste, dat kèn ich neit verkoupe  
De bèste op 't lètste, deit dien köpke euverloupe

### Koeplèt 2

Nao zös daag vastelaovend, ich kóm d'r neit vanaaf  
Van al dae sjaele zeiver, gewawwel en gepaaf  
Ein glaeske vol pès aan de randj, mien köpke wie los zandj  
Vastelaovend in ós landj  
Vanoet de Mert, Schtad Zitterd, 't Sjterfhoes, de Kup  
Sjtaon v'r aan de tap, en wurt 't weier krap  
De lètste is de bèste, dat kèn ich neit verkoupe  
De bèste op t lètste, deit dien köpke euverloupe

### Brök

't Is neit te besjrieve, 't is neit te geluive  
Mer mit de vastelaovend blif 't meital neit bie pruiwe

## 5. PLÖK D'N DAAG [2]

Teks: Reinhard Wind  
Meziek: Reinhard Wind  
Arrangemènt: Reinhard Wind  
Zangk: Joyce Frusch-Schaekens

### Refrein

**Jao, plök d'n daag, plök d'n daag,  
Plök d'n daag, jao, plök d'n daag  
Ouch al zit 't dèks get taege  
Kóm geneit noe van 't laeve  
Plök d'n daag, plök d'n daag, plök d'n daag  
Vergaet noe alle zörge  
En gaef noe drie daag gaas  
En zèt sjus wie ein clowntje  
Ein naeske op dien naas  
Kóm plök d'n daag, plök d'n daag  
Plök d'n daag, jao, plök d'n daag  
Ouch al zit 't dèks get taege  
Kóm geneit noe van 't laeve  
Plök d'n daag, plök d'n daag, plök d'n daag**

### Koeplèt 1

Soms höbs te in 't laeve  
Neit alles op ein rie  
Dan vilt dich alles taege  
En bès se gaar neit blie  
Mer is de sinterklaostied en de Krismes weier veurbie.  
Jao dan kump d'n tied van sjpas dus zèt dien zörg opzie.

### Koeplèt 2

En wils te dich verkleie,  
Mer zit 't get te sjtrak  
En geis te door de kneie  
Zaet dan 't klèdje "krak"  
dus is d'r noe gein bóks meer of ein jeske dat nog pas  
dènk mer zo ze zeen opèns gekrómpe in dae kas

## 5. PLÖK D'N DAAG [2]

### **Koeplèt 3**

Geis doe dich weier sjminke  
Mer geit dit neit zo fejn.  
Want loupe dich de kleure  
De ganse tied doorein  
Kóm laot 't noe mer zitte en sjei oet mit dat geklaen  
Ouch al löps te d'r noe bie wie eine oet Gelaen

### **Brök**

Noe plök d'n daag,  
Dae fiene daag,  
Dae sjone daag,  
Dae awwe daag

## 6. SJTAD VAN GEKKE SJLAEG

Teks: Thei Wessels  
Meziek: Thei Wessels  
Arrangemènt: Marc Verblakt  
Zangk: Fieny Cals

### Refrein

**Dan gaon ich nao mien sjtad  
Mien vastelaovesbad  
Veer gekke gaeve 'm ein vaeg  
Daoróm bèn ich ummer óngerwaeg**

**De sjtad die aan mich klaef  
Dao wurd zich oetgelaef  
Aan sjaele zeiver en gezaeg  
Daoróm bèn ich ummer óngerwaeg  
Nao de sjtad van gekke sjlaeg**

### Koeplèt 1

In Maaseik dao wil ich chille  
Ich gaon gaer euver de päöl  
Op kemeletoch nao Mille  
Of op cruise euver de Gäöl  
't Maak neit oet wo oppe welt ich welke mert aafsjuip  
Mer waat deis te dan es door de lóch dien modersjtad dich ruip...

### Koeplèt 2

Op de Sjienswei op safari  
Of ein hutje op de hei  
Gans te vout nao kale Harie  
Of in Tudder door 'n wei  
't Maak neit oet wo oppe welt ich welke berg beklöm  
Mer inèns dan heurs te door de lóch dien modersjtad häör sjtöm...

### Brök

Mer mien reis is pas gesjlaag  
Es ich weier heivesj maag  
Dus noe vleig ich gans gejaag  
Nao mien sjtad en plök d'n daag

# 7. DE SJÄÖRE EN KNÄÖRE WALS

Teks: Guus Steinen  
Meziek: Guus Steinen  
Arrangemènt: Jan van Daal  
Marc Verblakt  
Zangk: Koeraasj

## Intro

ze zègke doe mós mee bewaege,  
oze wals kump dus erg gelaege

## Refrein

**dit is de "sjäöre en knäöre" wals  
eine wo-ste nog lang euver kals  
luch dien bein, want bewaege is goud veur dien lief  
't is ouch nog gezellig, doe sjteis neit zo sjtief !  
de sjpas dae-s te höbs is neit mals  
dae is puur, dae is èch !!,.. ónvervals!!  
Heur en kiek waat gebeurt, es me sjäört en me knäört  
bie de sjäöre en knäöre wals**

**hoempapa, hoempapa, bewaege is goud veur die knäök van dich  
hoempapa, hoempapa, dat kènt lekker same of jeder veur zich**

## Koeplèt 1

'ne wals van Rieu dae .....is ummer perfek !  
mer veer doon 't angesj, veer walse 'ns gek  
veer sjoenkele noe 'ns neit wie 't mó't  
kóm doog mit ós mit , ...en doe lachs dich kapot

## Koeplèt 2

bie'ne wals van Rieu, dao .... geit alles ech sjiek  
geine sjtamp met de vuit, dao geit niks óngeliek  
me sjónkelt mer get, 't is daoróm besjlis  
dat 't welske dat veer doon toch väöl leuker is

## Sjlot

egaal wieste deis, egaal wies te knäörs  
't is 'ne wals wo-s te dich om besjäörs

## 8. PLÖK DE DAAG [3]

Teks: Patrick Werdens  
Meziek: Maurice Indemans  
Arrangement: Marc Verblakt  
Zangk: Dette & Maurice

### **Refrein**

**Jao, plök de daag**  
**Doe wits neit waat dich is gegaeve**  
**Vier de vastelaovesdaag**  
**Waal neit möрге mer vandaag**  
**Es de sjoonste van dien laeve**  
**Jao, plök de daag**  
**Doe mós 't laeve richtig viere**  
**Mit dees vastelaovesdaag**  
**De tied dat alles èns maag**  
**Mós se lache danse zjwiere**

### **Koeplèt 1**

Same danse door de sjtraote, fees pès in de late nach  
Zeen verkleid in felle kleure, geneitend van dees sjone prach  
Confetti vlug hoog door de lóch, meziek dae heurt me oppe sjtraot  
Mit alle luuj zeen veer hie same, en jederein zingk in de maot

### **Koeplèt 2**

Vastelaovend in ós Zitterd, jao dat weite doe en ich  
Gaon dan danse door de sjtraote, mit eine lach op ós gezich  
Veer blieve vrunj veur gans 't laeve, in 't plezei'r dat ós verbindj  
Same lache, same sjlachte, en dat is waat ós same bindj

# 9. DAT IS NOE EINMAOL ZO

Teks: Bryan Cloots  
Meziek: Mark Courage  
Arrangemènt: Marc Verblakt  
Zangk: Bryan Cloots

## **Refrein**

**Dat is noe einmaol zo**

**Wie veer dat hie belaeve**

**Al 143 jaor wurd richtig gaas gegaeve**

**Dat is noe einmaol zo**

**Ein groot Zittesj gelök**

**Zo mirk se al van kleins aaf aan wurt hie d'n daag geplök**

## **Koeplèt 1**

Saer jaor en daag wurd hie gesjtaag

't Laeve goud gelaef

En nao 11/11 dan zuus se zelf wie me dat hie belaeft

Ouch dae fraaje mit medaaje nae dae blif neit in zien hut

Dae wach neit pès zien k'narie wei'r in jannewarie flut

## **Koeplèt 2**

Kóm mit mich mit ich laot dich zeen

Wie vastelaovend is

En nao drie daag dan mirks se dat 't neit verklaorbaar is

Ouch die dansmarie die nondepie nog sjteeds de kop los haet

Die wach neit pès d'r eine weier "gaef mich mer Zitterd" zaet

## **Brök**

Zo blieke veer al jaorelang ein vastelaovesras

En zeen veer hie zo wie gezag de bèste van de klas



## **10. PLÖK D'N DAAG [4] (DE ZÓN SJIENT VEUR JEDEREIN)**

Teks: Rob Hodzelmans  
Meziek: Rob Hodzelmans  
Arrangemènt: Marc Verblakt  
Zangk: Les de Groot  
Rob Hodzelmans

### **Refrein**

**Marotte plök d'n daag en vier mer fees**  
**Marotte plök d'n daag en vier mer fees**  
**Marotte plök d'n daag en vier mer fees**  
**Marotte plök d'n daag en vier mer fees**  
**Marotte plök d'n daag en vier mer fees**  
**Marotte plök d'n daag en vier mer fees**  
**Marotte plök d'n daag**

### **Koeplèt 1+2**

De zón sjient veur jederein  
't Laeve is kort dus plök d'n daag  
De zón sjient veur jederein  
Jed're daag haet zien eige gaaf

De zón sjient veur jederein  
't Laeve is kort dus plök d'n daag  
De zón sjient veur jederein  
Jed're daag haet zien eige gaaf

# 11. PLÖK D'N DAAG [5]

Teks: Theo Weijman  
Meziek: Mark Willems  
Arrangement: Marc Verblakt  
Zangk: Thierry Dirx

## Refrein

**Plök d'n daag, plök d'n daag, plök d'n daag,  
Daag nao daag,  
Maak van deze sjpreuk ein erehaag  
Geneit van 't laeve in 't hie en noe,  
Living to the edge is the best you can do!  
En zit 't laeve dich ouch waal èns taege,  
zónnesjien kump altied nao de raege,  
Vastelaovend is ouch hie de sjprèngplank nao gelök  
Geneit van die daag, dan kènt 't noots mee sjtök**

## Koeplèt 1

Rits-te bie 't rie-exame diene wage in de prak  
Bès-te dao door, neit te geluive, veur de èlfde keer gezak  
Kump de sjoonmam bie dich wone veur ein ónbepaalde tied,  
Raaks-te nao gans vööl gesjteggel diene mancave zo mer kwiet  
Jao dan dènks te bie dich zelf; oh my god, waat eine pech,  
Hie kump van zien laevesdaag, ech niks mee van terech!

## Koeplèt 2

Mós te diene Sjlager zènge, mer doe wits de teks neit mee,  
Door ein fuitje in de tèlling wurs te weier nómmer twee  
En es prins get vööl gedrónke, vööl te vööl tot diene sjpiet,  
Raaks te, oh waat eine ramp, de Marotte scepter kwiet  
Jao dan dènks te bie dich zelf; oh my god, waat eine pech,  
Hie kump van zien laevesdaag ech niks mee van terech!

# 01-cov. VASTELAOVES VERSJLAAF

Origineel: Jägerbomb - Russo & René Karst  
Zangk: Twenty-Two

A a aa, a a aa, a a a Alaaf  
A a aa, a a aa, Vastelaoves Versjlaaf

't Vuilt magisch, kiek dat publiek  
Wat zou de Vastelaovend zeen zónger zien meziek  
Sjfeer opsjnoeve, is wat ich wil  
Laot alles los en vuil mich helemaol chill

Laot dich lekker gaon  
Op dees milledie, dans en sjprèng dich vriej  
't Is nog neit gedaon  
Effe geine rem, carpe diem!

't Is eindelijk zo wied, höb 't ganse jaor gewach  
Gaef 'n bietje gaas d'r bie en kóm maar op mit die lach  
't Is zo toxic, wil dit gevuil neit meer kwiet  
Jao de sjtömming geit sky high, ich vuil 't aan mien heart beat  
Es de meziek sjtraks sjeelt mós se mich niks meer vraoge  
Kóm pak die träöte gaw biejein en begin vlot mit blaoze  
En die speed die is zo hoog, 't is zo weier veurbie  
Dus geneit noe 't kènt, same zie aan zie!

Laot dich lekker gaon  
Op dees milledie, van de zaate hermenie  
't Is nog neit gedaon  
Mit dees milledie, get energy d'r bie!

A a aa, a a aa, a a a Alaaf  
A a aa, a a aa, Vastelaoves Versjlaaf  
A a aa, a a aa, a a a Alaaf  
A a aa, a a aa, hie geit 't daak d'r aaf

Ich sjprèng de vloer op, hei jóng kiek oet  
Shit dao gaon ich gans lank oet en ligk op mien sjoet  
Ach wat boeit 't, höb noe mien space  
Lekker verrumend veur mien lichaam en mien geis

Laot dich lekker gaon  
Op dees milledie, dit is the place to be

# 01-cov. VASTELAOVES VERSJLAAF

't Is nog neit gedaon  
Mit dees milledie, dikke party!

Laot dich lekker gaon  
Op dees milledie, 't wirkt als therapie  
't is nog neit gedaon  
Effe geine rem, carpe diem!

A a aa, a a aa, a a a Alaaf  
A a aa, a a aa, Vastelaoves Versjlaaf  
A a aa, a a aa, a a a Alaaf  
A a aa, a a aa, hie geit 't daak d'r aaf!!

# O2-cov. DE KRAOM GEIT TOE!

Origineel: Waterloo - ABBA  
Zangk: De Marmottinekes

## Koeplèt 1

Hej Chef!

Gooj mich ein portie frit in diene vètbak

Jao Chef!

De ganse waek allein maar ""aerpel en gruinte" is éch kak

Dat gezónje geduins maak mich gek

Gaef mich noe geweun miene snack

## Refrein 1

**Fricandeu, jedere daag weier op mien brood**

**Carpaccio, 't kump mich de naas oet ich waer neit goud**

**Eine Tournedos, ich mó't d'r van kääke, maak dich gereid**

**Risotto, zeiknate ries, nae ich vraet 't neit.**

**Gow, gow, gow, gow jaag dich noe.**

**Óm 9 oer geit hie de frittekraom toe**

## Koeplèt 2

Zèk Chef!

Lègk ouch ein frikandel en ein krokèt in.

En Chef!

Ein bamiblökske, spoetnik, 2 picanto's en get saté.

Dat gezónje geduins maak mich gek

Gaef mich noe geweun miene snack.

## Refrein 2

**Fricandeu, jedere daag weier op mien brood**

**Carpaccio, 't kump mich de naas oet ich waer neit goud**

**Eine Tournedos, ich mó't d'r van kääke, maak dich gereid**

**Risotto, zeiknate ries, nou ich vraet 't neit.**

**Mit de Vas-te-laovesdaag**

**Allein maar krokètte veur in dae maag.**

## Brök

Dat gezónje geduins maak mich gek

Gaef mich noe geweun miene snack.

## Refrein 3

**Fricandeu, jedere daag weier op mien brood**

**Carpaccio, 't kump mich de naas oet ich waer neit goud**

## **02-cov. DE KRAOM GEIT TOE!**

**Gaw, gaw, gaw, gaw jaag dich noe.**

**Óm 9 oer geit hie de frittekraom toe**

**Woo-oooh-oooh-oooh**

**Tempo noe, dao höbs te de zeik al de kraom geit toe.....**

**Gaw, gaw, gaw, gaw jaag dich noe.**

**Óm 9 oer geit hie de frittekraom toe**

**Woo-oooh-oooh-oooh**

**Tempo noe, dao höbs te de zeik al de kraom is toe.....**

# 03-cov. 'T ZITTESJ LANDJ

Origineel: De Overkant - Suzan & Freek ft. Snelle  
Zangk: Joyce Frusch-Schaekens  
Bryan Cloots

## Koeplèt 1

Ze nuime dit de sjtad van Teunke Hermans, van Fortuna, van Sint Rosa en  
Joep  
En d'r is väol te belaeve gank èns zitte loester aeve nae doe wurs neit betoep

't Is niks óm euver nao hoes te sjriev  
Dat houf ouch neit es se thoes kèns blieve  
Kèn jederein van kop pès aan de teen  
Ich wil nurges leiver zeen

## Refrein

't Is goud hie in 't Zittesj landj  
Jao hie kóm ich vanaaf  
Oet de sjtad van Kolleberg en Wal  
Appelsiene en alaaf  
En ouch al kènt de sjmaak van urges angesj mich verleie dan vertèlle mien  
gedachte dat ich hie niks hób te lieje  
Of ich noe nao Gelean gaon, nao Venlo of Mestreich  
In Zitterd brent toch ummer leich

## Koeplèt 2

En op zich maak 't neit oet,  
Ich ben nurges angesj thoes, mit mien vrunj hie zie aan zie  
Aan de oevers van de Keutelbaek heur ich meziek van Phil en Paek dan wil ich  
lever blieve hie  
Dao wo de daag waere geplök pès aan de aovend

# 04-cov. NÓNNEVOTTE

Origineel:

Mamma Mia – ABBA

Zangk:

De Marmotte

## Koeplèt 1

Hartsjtikke verleif sinds ich weit neit wienee  
Bloud begoosj te kaoke, 't is al zo lang gelee.  
Ich zoug ze toen sjtaon, in 't zjwart en wit,  
Ich weit neit woróm, mer opèns gaon de remme los,  
En zeen mien vrouw en kènjer de klos.  
Eine blik in de Gemma en bèn weg,  
Ein jaor in 't klooster klink gaar neit sjlech!  
Ohhhhh

## Refrein 1

**Nónnevotte, laote mich neit kawt,  
Vötjes, neit die bie de bekker.  
Nónnevotte, wo ich zo vääöl van hawt,  
Vötjes, blieve toch erg lekker.  
Jao, vraem is 't mesjiens waal,  
Zeen tieje dat ich d'r van baal.  
Woróm kèn ich 't neit laote?  
Nónnevotte, niks kènt d'r op lieke,  
Vötjes zal ich ummer blieve kieke!**

## Koeplèt 2

Ich bèn gans van sjlaag es ich bie Gemma kóm,  
Ze zeen mich dao neit sjtaon en ich weit neit woróm.  
Ich bèn geine paus, zow 't dat dan zeen?  
Sjnap 't neit goud, bèn toch eine Zittesje Sjnaak  
Wil wie vruiger nog èns oet mien daak!  
't Is ein teike dat versjient in de lóch,  
Zeen ein begien en ich bèn weier verkoch!

## Refrein 2

**Nónnevotte, laote mich neit kawt,  
Vötjes, neit die bie de bekker.  
Nonnevotte, woo ich zoo vääöl van hawt,  
Vötjes, blieve toch erg lekker.  
Jao, vraem is 't mesjiens waal,  
Zeen tieje dat ich d'r van baal.**



## **04-cov. NÓNNEVOTTE**

**Woróm kèn ich 't neit laote?  
Nónnevotte, laote mich neit kawt,  
Vötjes, neit die bie de bekker.  
Nónnevotte, wo ich zo vääöl van hawt!  
Vötjes, blieve toch erg lekker.**

**Nónnevotte, laote mich neit kawt,  
Vötjes, neit die bie de bekker.  
Nónnevotte, wo ich zo vääöl van hawt,  
Vötjes, blieve toch erg lekker.  
Jao, vraem is 't mesjiens waal,  
Zeen tieje dat ich d'r van baal.  
Woróm kèn ich 't neit laote?  
Nónnevotte, niks kènt d'r op lieke,  
Vötjes zal ich ummer blieve kieke!**